

*“Si bo buskan, bo ta ocan, ora ku bo buskan
di tudu bo korson.”*

**MANERA
DI KUNSI
DEUS**

Manera di Kungsi Deus

Suma ku Abraon seduba “amigu di Deus” manera ki baña pa Deus, i obil, abo tambí bu pudi kungsi Deus; i ta ten pena di bo, i dau pas ku benson. Kusa mas mportanti na vida i pa bu *baña pa Deus na bardadi*, pa bu pudi kungsi Deus, bu fia nel. Deus i ta mostra kin ki sedu, pa kilis ku buskal ku tudu se korson.

Si bu *para* di yanda na bu propi kamiñu, bu *baña pa Deus na bardadi*, si Spiritu i na bin mora na bo. *Nada* ka na pudi separau di si amor, si bu *fia* na si palabra, bu obil, bu sigil. I ta sedu bu Deus; i ta amau ciu. Bu na diskubri kuma i kumprau ku pres garandi. I misti sedu bu amigu, *gosi i na vida dipus di mortu*.

Pidi Deus pa i dau ntindimentu ora ku bu na studa e libru ku ten partis tiradu di Palabra di Deus. Deus pui omis ku kunsilba pa skirbi e palabras; i guarda elis pa milyaris di anu, kontudu, manga di biás Satanás tenta kaba ku elis.

Skrituras ne libru i tiradu na Biblia, ku sedu Libru di Lei (Tora), Salmus (Zubur), librus di profetas, ku Ivanjelyus (Injil).

I TEN UN DEUS SON BARDADERU

1

SIÑOR no Deus, i el son ki SIÑOR. Ama SIÑOR bu Deus di tudu bu korson, di tudu bu alma, di tudu bu forsa. —Deuteronomiu 6.4b, 5

Asin ku SIÑOR fala, kil ku kumpu seus; el ki Deus, ku forma tera, i kumpul, i firmantal; i ka kumpul vasiu, ma i formal pa jinti pudi mora nel; i fala: Ami ki SIÑOR; i ka ten utru. —Isaiás 45.18

Ami ki SIÑOR; es i ña nomi; N ka na da ña gloria pa utru, nin N ka na seta pa jinti ngaba idulus; ami ku dibi di ngabadu. —Isaiás 42.8

SIÑOR fala: Abos i ña tustumuñas . . . pa bo pudi kunsin, bo fia na mi, bo ntindi kuma ami i el. Nin un deus i ka formadu antis di

mi, nin dipus di mi i ka na ten nin un son. Ami propi ki SIÑOR; i ka ten Salbadur fora di mi.

—Isaiás 43.10, 11

Pa tudu pobus di mundu pudi sibi kuma SIÑOR, el ki Deus; i ka ten utru.

—I Reis 8.60

Ami i SIÑOR; i ka ten utru; fora di mi utru Deus ka ten. N na fasiu forti, nin ku bu ka kunsin, pa jinti, disna di kau ku sol ta nasi te kau ki ta kai, e sibi kuma fora di mi i ka ten utru; Ami i SIÑOR; i ka ten utru.

—Isaiás 45.5, 6

Bo jubi pa mi, bo sedu salbu, abos jintis di tudu parti di mundu, pabia ami ki Deus; i ka ten utru.

—Isaiás 45.22

2 DEUS I TA MOSTRA PENA KU FABUR

SIÑOR i ta mostra misericordia ku fabur; i ka ta lestu di raiba, i ta ama ciu. Manera ku seu sta la lunju riba di tera, asin ku si misericordia i garandi pa kilis ku rispital. —Salmu 103.8, 11

Misericordia di SIÑOR i di internidadi pa iternidadi riba di kilis ku rispital . . . kilis ku lembra di si mandamentus pa obdisi elis. —Salmu 103.17a, 18b

Kin ki Deus suma abo, ku ta purda pekadu . . . ku gusta di mostra misericordia.—Mikeias 7.18

I pabia di misericordia di SIÑOR ku no sta di vida te gosi; si garanti amor ka ta kaba. I nobu kada

mañá. Abo i fiel dimas.

—Lamentason 3.22, 23

Nin ki fasi algin tristi, ma inda i na mostral amor konformi rikesa di si misericordia.

—Lamentason 3.32

Bu ta mostra bu misericordia pa kilis ku ta mostra misericordia. —Salmu 18.25a

N sibiba kuma abo i Deus ku ta mostra fabur ku pena, ku ta tarda pa paña raiba, di garandi bondadi. —Jonas 4.2b

Bo gardisi SIÑOR pabia el i bon; si misericordia ka na kaba. —I Krônikas 16.34

I na ten pena pa kilis ku rispital, ku se fijus pa dianti. —Lukas 1.50

Tempu ku pasa, SIÑOR bin pa mi, i fala: N amau ku amor ku ka ta kaba. N na jundau pa mi ku bondadi ku amor. —Jeremias 31.3

SIÑOR fala: N sibi planus ku N ten pa bos, planus pa ben, i ka di mal, pa da bos ki futuru ku bo na spera. —Jeremias 29.11

SIÑOR fala: N ama bos.
—Malakias 1.2a

Suma ku un pape ta sinti pena di si fijus, asin ku SIÑOR ta sinti pena di kilis ku rispital.
—Salmu 103.13

I era pa N pudi ten pas ku N staba ku garandi kasabi, pabia abo (Deus), bu aman ciu, bu libran

di koba di podrisa. Bu bota tudu ña pekadus tras di bu kostas.
—Isaiás 38.17

No sibi kuma Deus i amanu; tambi no fia na si amor. No amal pabia i amanu purmeru.
—I Jon 4.16a, 19

SIÑOR bu Deus sta ku bo ku puder pa salbau. I na sinti garandi kontentamenti riba di bo. I na diskansa pabia di si amor; i na kontenti ku bo tok i na kanta.
—Sofonias 3.17

Deus, bu bondadi ku amor sedu di garandi balur. E ku manda tudu jinti e ta pui se fiansa bas di sombra di bu asas. —Salmu 36.7

4 KUSA MAS GARANDI NA VIDA I PA KUNSI DEUS

Jinti ku kungsi se Deus e na sedu forti, e na fasi kusas garandi.

—Daniel 11.32b

SIÑOR fala: Si algin misti njata, i pudi njata pabia i kunsin, i sibi kuma ami i SIÑOR, ku ta mostra bondadi, ku ta fasi kusa justu i retu na tera. I e kusas ku ta fasin kontenti.

—Jeremias 9.24

Sortiadu i kilis ku obdisi si leis, ku ta buskal di tudu se korson.

—Salmu 119.2

Ami N pui vida ku mortu bu dianti, benson ku maldison; asin bu ta kuji vida, pa bu pudi ama SIÑOR bu Deus, bu obi ke ki na fa-

lau, bu sugura nel, pabia el ku sedu bu vida.

—Deuteronomiu 30.19b, 20a

I ka sakrifisiu ku N misti, ma i miserikordia; N mas misti pa bu kungsi Deus di ki pa bu da oferta kemadu.

—Oseias 6.6

Suma ku gasela ta faima pa la-gua, asin, o Deus, N ta faima tam-bi pa bo.

—Salmu 42.1

Deus fala: Ña pursensa na bai ku bo, pa pôu pa bu diskansa.

—Saída 33.14

Kontinua distindi bu bondadi ku amor riba di kilis ku kungsi, bu karakter justu riba di tudu jinti ki retu di korson.

—Salmu 36.10

VIDA SIN DEUS I TA LEBANU PA MORTU 5

SIÑOR i sta ku bos nkuantu bo sta ku el; si bo buskal, bo ta ojal, ma si bo disal, el tambi i na disa bos. —II Krônikas 15.2b

Kin ku pudi kungsi korson di omi? I sedu nganosu mas di ki tudu kusa, i na un stadu ku ka ten kura. —Jeremias 17.9

I ten kamiñu ku omi ta oja kuma i sedu diritu, ma na fin i ta lebal pa mortu. —Provérbius 16.25

Deus ka purda anjus ku peka, ma i bota elis na nfernu; i mara elis ku korenti na kau sukuru, guardadu pa dia di juisu. Asin, Siñor i sibi libra di tentason kilis ku rispital; i ta guarda ki maus te

dia di juisu, pa e sedu kastigadu. —II Pedru 2.4, 9

Ma si bo ka obi ke ku SIÑOR na fala, bo rebela kontra si ordi, mon di SIÑOR i na sedu kontra bos. —I Samuel 12.15a

Kin ku ka sta na mi, i ta botadu fora, suma ramu, i ta seka; e ta kujidu, e botadu na fugu, e ta kema. —Jon 15.6

Kal rusultadu ku bo tenba di ki kusas ku gosi bo ta burguñu ku el? Pabia fin di ki kusas i mortu. —Romanus 6.21

Kilis ku ta fasi mal e na kabadu ku el tuduuntu; jorson di jintis mau e na bin pirdi tudu. —Salmu 37.38

6 PA KUNSI DEUS NO TEN KU BUSKAL

Si bo buskan, bo ta ocan, ora ku bo buskan di tudu bo korson.

—Jeremias 29.13

Si bu buska kungsi Deus suma bu na buska rikesa sukundidu, bu na ocal.

—Provérbius 2.4, 5

Bo pidi, bo ta dadu; bo buska, bo ta oca; bo bati porta, i ta yabridu pa bo.

—Mateus 7.7

Ningin ka pudi pui Deus kontenti ku el sin fe, pabia kil ku na bai pa el ten ku fia kuma el i ten; kuma i ta da pagamentu tambu pa kilis ku buskal.

—Ebreus 11.6

Deus kumpu un omi ku tudu rasa bin sai nel . . . I fasi asin pa e

pudi buskal. Talves e pudi ocal si e palpa-palpa. Ma kontudu i ka sta lunju di kada un di nos.

—Aktus 17.26a, 27

Ami N ama kilis ku aman; kilis ku buskan mandrugada e na ocan.

—Provérbius 8.17

SIÑOR i bon pa kilis ku na spera nel, pa ki algin ku na buskal.

—Lamentason 3.25

Ami, N ta buska Deus, N pur-senta ña kasu si dianti.

—Job 5.8

Kilis ku kungsi bu nomi e na fian-sa na bo, pabia abo, SIÑOR, nunca bu ka bandona kilis ku ta buskau.

—Salmu 9.10

SIÑOR bo Deus i ta ten pena ku miserikordia; i ka na viranta si rostu di bos si bo riba pa el.

—II Krônikas 30.9b

Siñor, abo i bon, i pruntu pa purda; bu ciu amor pa tudu kilis ku roga bu nomi.

—Salmu 86.5

Bo ciga pertu di Deus; i ta ciga pa bos.

—Tiagu 4.8a

SIÑOR i sta pertu di tudu kilis ku roga nel, kilis ku roga nel na bardadi.

—Salmu 145.18

SIÑOR fala: **Bo** bin pa no ruma no kombersa. **Nin** ku bo pekadus sedu suma karvon, elis e na bida

branku fandan; nin ke sedu burmeju suma sangi, e na torna suma agudon.

—Isaías 1.18

Abos tudu ku tene sedi, bo bin pa yagu; abos ku ka tene diñeru, bo bin, bo kumpra, bo kume.

—Isaías 55.1a

Bo bin pa mi, abos tudu ku kansa ku kargu pesadu; **N** na diskan-sa bos. **Bo** toma pa bos ña jugu, bo nsina di mi, pabia ami i mansu, umildi di korson; bo ta bin oca dis-kansu pa bo alma.

—Mateus 11.28-29

Kil ku bin pa mi, di nin un mane-ra **N** ka ta negal.

—Jon 6.37b

SIÑOR, kin ku sedu suma bo na metadi di deusis? Kin ku sedu suma bo, garandiosu na puresa, ku dibi di ngabadu ku rispitu, ku ta fasi milagris. —Saída 15.11

I ka ten algin puru suma SIÑOR, pabia i ka ten utru suma bo.

—I Samuel 2.2a

Asin, abos omis di ntindimentu, bo sukutan: di nin un manera Deus ka ta fasi mal; kil ku ten tudu puder ka ta fasi pekadu.

—Job 34.10

SIÑOR ku ten tudu puder i sedu puru, puru, puru; tudu mundu inci ku si gloria.

—Isaías 6.3b

Deus ku sta riba di tudu, ku vivi pa sempri, ku ten nomi di puru, i

fala: Ami N mora na un kau altu i puru.

—Isaías 57.15a

SIÑOR i sedu justu na tudu si kamiñus, i puru na tudu kusas ki ta fasi.

—Salmu 145.17

Pa jinti ngaba bu nomi garandi ku mersi rispitu; el i puru.

—Salmu 99.3

Ningin i ka bon; Deus son ki bon.

—Markus 10.18b

Siñor, kin ku ka na medi bo? Kin ku ka na ngaba bu nomi? Son abo ki puru.

—Apokalipsi 15.4a

Santu, santu, santu! Siñor Deus ku ten tudu puder i santu; kil ki eraba, ku sedu, ku ten ku bin.

—Apokalipsi 4.8b

Bu fia kuma Deus i un son. Bu fasi ben. Dimonius tambi e fia tok e ta tirmi. Abo omi ku ka ten sin-tidu, bu misti sibi kuma fe sta mortu si i ka liga ku tarbaju?

Ka bo sedu son obiduris di pala-bra; si i asin, bo na ngana bo kabe-sa. Ma bo sedu fasiduris di kil ku palabra fala. —Tiagu 2.19, 20; 1.22

SIÑOR ta nfastia kamiñu di jinti ku ta fasi mal, ma i ta ama kil ku ta fasi kusas diritu.

—Provérbius 15.9

Si algin fala kuma i kunsil, ma i ka obdisi si mandamentu, i munturus; bardadi ka sta nel. Es ku ta mostra fiju di Deus ku fiju di dia-

bu; kil ku ka ta fasi kusas diritu, ku ka ama si ermon, i ka di Deus.

—I Jon 2.4; 3.10

Bo buska ten pas ku tudu jinti; bo buska tambi un vida puru, pabia sin el ningin ka ta oja Siñor.

—Ebreus 12.14

Skritura fala: Bo sedu puru pabia ami i puru.

—I Pedru 1.16

Suma kil ku coma bos i puru, bo sedu tambi puru na tudu ku bo na fasi.

—I Pedru 1.15

Ka bo buska mal, ma bo buska ben, pa bo ten vida; asin SIÑOR, Deus ku ten tudu puder, i na sta ku bos na bardadi, suma ku bo fala.

—Amós 5.14

SIÑOR i ka na pidu utru kusa, son pa bu fasi kusa diritu, bu mostra bondadi pa jinti, i bu yanda danti di bu Deus ku korson umildi. —Mikeias 6.8b

SIÑOR bo Deus i puru; nta bo na sedu puru tambi. —Levítiku 19.2b

Ama Siñor bu Deus di tudu bu korson, di tudu bu alma, di tudu bu forsa, di tudu bu ntindimentu. Ama tambi bu kumpañer suma abo propi. —Lukas 10.27b

Bu kungsi mandamentus: Ka bu mata; ka bu kai cai; ka bu furta; ka bu lanta falsu tustumuñu; ka bu nturja; rispita bu pape ku bu mame. —Markus 10.19

Ka bo fasi suma ku mundu ta fasi, ma bo disa Deus arnoba bo pensamentu, pa rabida bo manera di yanda. —Romanus 12.2a

E libru di lei pa i sta sempri na bu lingu. Bu tenel na sintidu di dia ku di noti, pa bu ten kudadi di fasi konformi tudu kil ku sta skritu nel. Asin bu vida na kuri ben, bu na sedu felis. —Josué 1.8

Bo ten fe na Deus.

—Markus 11.22b

E mandamentu, i Kristu ku danu el, kuma kin ku ama Deus, pa i ama tambi si ermon. —I Jon 4.21

Rispita SIÑOR bu Deus, bu sirbil, bu pegal tesu.

—Deuteronomiu 10.20a

SIÑOR nega e seis kusas; i ten seti ki ka pudi nguenta: ujus incidu di orguju, lingu ku ta konta mintida, mons ku ta darma sangi di jintis ku ka ten kulpa, korson ku ta monta planus malvadás, pes ku ta janti dipresa pa fasi mal, falsu tustumuña ku ta konta sempri mintida, ku algin ku ta sumia jus na metadi di ermons.

—Provérbius 6.16-19

SIÑOR fala kuma i ama kusas justu, i sta kontra pekadu.

—Isaías 61.8a

Pa kilis ku kobardu, ku kilis ku ka fiel, ku jinti di vida susu, ku mataduris, ku kaiduris di cai, ku botaduris di sorti, ku kilis ku ta

adora idulus, ku tudu munturus, se parti i na sedu na lagua ku na yardi ku fugu ku nsofri; el ki sugundu mortu. —Apokalipsi 21.8

Asin bo toma sintidu na bo spiritu. Ka ningin sedu infiel pa minjer ki toma ocal nobu, pabia **SIÑOR** . . . fala kuma i sta kontra disfasi kasamenti. —Malakias 2.15b, 16a

SIÑOR fala: Ka ningin monta planus na si korson pa fasi si kumpañer mal, nin ka i kustuma jurmenta falsamenti, pabia **N** sta kontra e kusas tudu.

—Zakarias 8.17

Bu ama kusa justu; bu nfastia maldadi. —Salmu 45.7a

JINTI E KA YANGASA KIL KU DEUS SPERA DI NOS

N kungsi bos diritu; bo ka tene amor di Deus na bo korson.

—Jon 5.42

Kil ku guarda tudu lei, ma i yara na un puntu son, i ta sedu kulpadu di tudu.

—Tiagu 2.10

Isaiás fala: Koitadi di mi! N sta pirdidu! Pabia ami i omi di boka susu; N mora na metadi di un pobu ku ten boka susu. Ma ña ujus e oja Rei, SIÑOR ku ten tudu puder!

—Isaiás 6.5

Kil ku sibi fasi ben, i ka fasil, i na fasi pekadu.

—Tiagu 4.17

Suma ki sta skritu: I ka ten nin un justu, nin un son.

—Romanus 3.10

Tudu jinti peka, e ka yangasa naturesa gloriosu di Deus.

—Romanus 3.23

Kil ku ka ta fasi kusas diritu, ku ka ama si ermon, i ka di Deus.

—I Jon 3.10b

Anos tudu no yanda diskontroladu suma karnel; kada un son i disvia pa si kamiñu.

—Isaiás 53.6a

Kin ku pudi firma dianti de SIÑOR Deus puru?

—I Samuel 6.20b

Deus ta oja la di seu pa fijus di omi, pa jubi si i ten algin ku ten ntindimentu, ku ta buska Deus. Ma e disvia tudu, e bida kuruptu; i ka ten ningin ku ta fasi ben, nin un son.

—Salmu 53.2, 3

NO KA PUDI PUI DEUS KONTENTI PA KUSAS KU NO TA FASI

13

N sedu tustumuña kuma e misti sirbi Deus dimás, ma e ka ten ntindimentu. E ka kungsi manera ku Deus ta fasi jinti justu. E buska sedu justu na se propi manera; e ka seta manera ku Deus ranja pa elis. —Romanus 10.2, 3

Anos tudu no sedu suma algin ku ka puru. Tudu kusas diritu ku no fasi e sedu suma rataju susu. —Isaias 64.6a

Si ami N fala un omi ku na yanda diritu kuma i na ten vida, el gora i kumsa fia na ki bon kusas ki fasi, i pasa na yanda na pekadu, N na diskisi di manera ki ta yandaba diritu. I na muri pabia di

si pekadu ki na fasi gosi.

—Ezekiel 33.13

Deus ka pudi kontenti ku kilis ku na yanda konformi se nature-sa. —Romanus 8.8

Nin un algin ka na ocadu justu pabia di guarda lei.

—Romanus 3.20a

I ka ten nada na nos ku ta punu pa no fala kuma no sedu kapás di fasi algin kusa. Puder ku no ten i ta bin di Deus. —II Korintius 3.5

I klaru kuma ningin ka na ocadu justu dianti di Deus pabia i kumpri lei, ma i sta skritu kuma kil ku sedu justu pabia di si fe i ta vivi. —Gálatas 3.11

Pekadu yentra na mundu pabia di un omi; i tisi mortu. Asin tamba mortu pasa pa tudu jintis pabia tudu peka. —Romanus 5.12

Ora ku disezu mau preña, i ta padi pekadu. Ora ku pekadu kirsi, i ta padi mortu. —Tiagu 1.15

Algin ku peka, el ku na muri. —Ezekiel 18.20a

Kusas mau ku bo fasi i ta pui barera na metadi di bos ku bo Deus. Bo pekadu i ta sukundi si rostu di bos, pa i ka obi ke ku bo na fala. —Isaiás 59.2

Algin ku ta yanda diritu i ta yangasa vida, ma kil ku bai tras di mal i na fasil pa si mortu. —Provérbius 11.19

Asin ku Deus fala: Pabia di ke ku bo ka obdisi ña mandamentus? Asin kusas ka na kuri diritu ku bos. Suma ku bo disa SIÑOR, el i disa bos tamba. —II Krônikas 24.20b

Pa sedu rebeldi i suma bu sedu futseru; pa purfia i suma pekadu di adora idulus. Suma ku bu nega palabra di SIÑOR, el tamba i negau —I Samuel 15.23a

E na coma SIÑOR ku forsa, ma i ka na ruspundi elis. Na ki tempu i na sukundi si rostu delis, pabia di mal ke fasi. —Mikeias 3.4

Bu sukundi bu rostu di nos; bu fasinu ribi pabia di kusas mau ku no fasi. —Isaiás 64.7b

RAIBA DI DEUS I NA BIN RIBA DI PEKADU 15

Deus i algin ku ta julga diritu, un Deus ku ta paña raiba tudu dia kontra kilis ku na fasi pekadu.

—Salmu 7.11

SIÑOR i ka ta paña raiba dipresa, ma i ten garandi forsa; kil ki kulpadu, i ka na tratat suma inusenti.

—Naún 1.3a

Pabia di kusas suma es, raiba di Deus na bin riba di jintis ku ka ta obdisil.

—Kolosensis 3.6

Deus mostra si raiba di seu riba di tudu maldadi ku pekadu di omis ku sukundi bardadi na se maldadi.

—Romanus 1.18

E inci di tudu koldadi di pekadu, ku maldadi, ku malisia, ku

kubisa; e inci tambi di nveña, ku matansa, ku gera, ku nganu, ku ruñesa; e sedu ruiduris, difamaduris, nfastiaduris di Deus, kobaduris di mal, disobdientis di pape ku mame, tulus, infiel na kontratu, ku ka ten amor, ku ka ten pena di utrus. E jinti e kungsi lei di Deus ben, ku fala kuma kilis ku ta fasi e koldadi di kusas e mersi mortu. Ma i ka son kuma e ta fasil, ma tambi e ta kontenti pa utrus fasil.

—Romanus 1.29-32

Manera ku bu korson i duru, i temós, bu na buri raiba riba di bo na dia ku Deus na mostra si raiba ku si justu juisu. I na paga kada un pa kusa ki fasi. —Romanus 2.5, 6

Tudu jinti ten ku muri un biás; dipus, julgamentu na bin.

—Ebreus 9.27

N oja mortus, garandis ku pikininus, sikidu dianti di tronu. Librus yabridu. I yabri mas utru libru, kil ku ten nomi di bibus. Mortus julgadu pa kusas ku skirbidu na ki librus, konformi kusas ke fasi. Tudu kil ku si nomi ka ojadu skritu na libru di nomi di bibus, i botadu na lagua di fugu.

—Apokalipsi 20.12, 15

I kusa meduñu pa kai na mon di Deus bibu!

—Ebreus 10.31

Ma N na konta bos kuma tudu palabra ku jinti papia a monton, e

na da konta del na dia di julgamentu.

—Mateus 12.36

Deus i na bin julga tudu kusa ku fasidu, nin ki sta sukundidu; mesmu ki sedu bon tantu suma mal.

—Eklesiastis 12.14

Asin ki na bin sedu na fin di mundu. Anjus na bin bin, e na separa maus na metadi di justus, e na bota elis na fugu garandi. La i na ten cur ku ñeme dinti.

—Mateus 13.49, 50

Ma seu ku tera di aos, ki mesmu palabra di Deus na guardal pa fugu; i na guardadu suguru pa dia di juisu, ora ku jinti ku nega Deus na kabadu ku el.

—II Pedru 3.7

Uju di SIÑOR sta na tudu kau, i na jubi maus ku bons.

—Provérbius 15.3

SIÑOR, bu buska sibi ke ku sta na mi, i bu kunsin. Bu sibi ora ku N sinta, i ora ku N lanta: ña pensamentu bu ta ntindil di lunju. Bu ojan si N na yanda o si N na dita; bu kungsi tudu ña kamiñu. Antis di N papia, bu sibi ja tudu ke ku N na fala, SIÑOR.

—Salmu 139.1-4

SIÑOR ka ta jubi suma omi, pabia omi ta oja ke ku sta dianti di uju, ma SIÑOR ta jubi pa korson.

—I Samuel 16.7b

I ka ten nada ku Deus kumpu ku pudi sukundi del, ma tudu

kusa sta nun, i klaru na uju di kil ku no ten di da konta si dianti.

—Ebreus 4.13

Kil ku forma oreja i ka ta obi? Kil ku forma uju i ka ta oja?

—Salmu 94.9

Ña uju sta riba di tudu ke ke na fasi. E ka sukundidu di mi, nin se maldadi ka kapli di ña uju.

—Jeremias 16.17

I ka ta yentra na se sintidu kuma ami N lembra di tudu se maldadi. Gosi, kusas mau ke fasi e rodia elis, e sta ña dianti.

—Oseias 7.2

Kamiñus di un omi e sta dianti di ujus di SIÑOR; i ta jubi tudu kau ki na yanda nel. —Provérbius 5.21

Siñor JEOVÁ punta: N ta disja di kalker manera mortu di impiu? Nau! Ma ke ku N misti i pa i konverti di si kamiñus, pa i ten vida.

—Ezekiel 18.23

N na fala bos nau; ma abos, si bo ka ripindi, abos tudu bo na muri na mesmu manera. —Lukas 13.3

Kil ku sukundi si pekadu nunka i ka na bai dianti, ma kil ku konfesal, i disal, i na yangasa miserikordia.

—Provérbius 28.13

SIÑOR fala: Bo konverti pa mi ku tudu bo korson; i pirsis junjuña, ku larmas, ku cur. I ka bo ropa ku bo na rumpi, ma i bo korson. Bo konverti pa SIÑOR bo Deus, pabia el i bondosu, i ta ten pena, i ka ta

pañá raiba dipresa, ma i inci di amor.

—Joel 2.12, 13a

Bo bin ku palabra pruntu, bo konverti pa SIÑOR, bo fala: Tiranu tudu no pekadu, bo risibinu di bon manera.

—Oseias 14.2a

Na pursensa di jintis i na fala: N peka, . . . ma Deus libra ña alma di bai pa koba. N na ten vida, N na oja lus.

—Job 33.27, 28

Gosi pa kada un konverti di si mau kamiñu, i di maldadi di kusas ki na fasi.

—Jeremias 25.5a

Bo ripindi, bo da kosta pa kusas mau ku bo na fasi, pa ka pekadu leba bos pa pirdison.

—Ezekiel 18.30b

Bo buska SIÑOR na ora ki pudi ocadu; bo coma si nomi na ora ki sta pertu. Impiu i dibi di disa si kamiñu; omi malvadu i dibi di disa si pensamentus, pa i konverti pa SIÑOR, ku na ten pena del; pa i riba pa no Deus, pabia i sta pruntu pa purda. —Isaiás 55.6, 7

SIÑOR sta pertu di kilis ku ten korson kebrantadu; i ta salba kilis ku se spiritu sta batidu. —Salmu 34.18

... pa kada kin konverti di si mau kamiñu; ami N na purda... se pekadu. —Jeremias 36.3b

N konfesau ña pekadu; N ka sukundi kusas mau ku N fasi. N falaba kuma N na konfesa SIÑOR

ña erus; bu purdan ja maldadi di ña pekadu. —Salmu 32.5

Si no konfesa no pekadu, suma el i justu, i di konfiansa, i ta purda no pekadu, i ta limpanu di tudu kusa mau. —I Jon 1.9

Bo ripindi, bo konverti, pa bo pekadu limpadu. —Aktus 3.19a

Ripindi de mal ku bu fasi, bu pidi Deus pa i purdau e pensamentu ku sta na bo. —Aktus 8.22

N na obi ke ku SIÑOR Deus na fala, pabia i na fala di pas pa si pobu, kilis ki di siu propi; ma pa ka e riba pa tulesa. —Salmu 85.8

Ripindimentu signifika da kostas pa pekadu, i konfesal pa Deus.

I PIRSIS SAKRIFISIU PA NO TORNA AMIGU DI DEUS

(Pekadu i afastanu di Deus, pažina 14)

I na pui si mon riba di kabesa di limaria ki na kema pa Deus, pa i setadu pa el, suma sakrifisiu ku na tira si pekadu. Pabia vida di karni sta na sangi. N da bos ordi pa darmal riba di altar suma sakrifisiu pa tira bo pekadu. Pabia i sangi ku na tira pekadu di jinti.

—Levítiku 1.4; 17.11

Konformi lei kuás tudu kusa ta purifikadu ku sangi. Pekadu ka pudi purdadu sin darma sangi.

—Ebreus 9.22

Fiju di karnel i na sedu sin difeitu, un macu di un anu . . . E na

toma utru di sangi di ki karnel, e na pul na aru di porta, na tudu dus ladu ku la riba, na kasas ke na kume ki karni nel . . . Ki sangi i na sedu pa sinal na kasas ku bo sta nel. Ora ku N oja ki sangi, N na pasa riba di bos; i ka na ten praga di mortandadi na bo metadi.

—Saída 12.5a, 7, 13a

Abraon falal: Ña fiju, Deus propi i na danu karnel ku no pirsis pa oferta kemadu . . . Abraon lantanda si uju, i oja un karnel macu tras del, ku mbaransaba ku si cifris na matu. I bai, i toma karnel, i sakrifikal suma oferta kemadu na konta di si fiju.

—Jênesis 22.8a, 13

Oca sol mansi, Jon oja Jesus na bin pa el, i fala: Ali karnel di Deus ku ta tira pekadu na mundu.

—Jon 1.29

SIÑOR pui riba del pekadu di nos tudu. I kastigadu ciu, ma i ka yabri si boka. I lebadu suma fiju di karnel pa matadur; suma karnel i mudu dianti di jintis ku na tiskial, el i ka yabri si boka.

—Isaiás 53.6b, 7

Oca Kristu pasa na ki tenda, i yentra un biás pa sempri na lugar mas santu di tudu, i ka ku sangi di bodi ku di fiju di baka, ma ku si propi sangi; i ngaña libertason pa nos pa sempri. Ma gora, na kabantada di tempu, i parsi un biás pa

sempri pa sakrifika si vida pa kaba ku pekadu. Asin Kristu da si vida un biás pa tira pekadu di manga di jinti.

—Ebreus 9.12, 26b, 28a

Bo sibi kuma i ka kusa ku ta dana, suma prata o ôru, ku pagadu pa liberta bos . . . ma i sangi di Kristu ku ten balur, el ki suma un karnel ku ka ten nin manca nin difeitu.

—I Pedru 1.18a, 19

Ku fadi gora puder di sangi di Kristu pa limpa no konsiensia di kustumus ku ta tisi mortu, pa no sirbi Deus bibu! Ku ajuda di Spiritu ku ta bibu pa sempri, Kristu da si vida pa Deus, suma sakrifisiu ku ka ten manca.

—Ebreus 9.14

E ta ocadu justu sem paga nada, pabia di fabur di Deus, manera ku Kristu Jesus kaplinti elis. Deus dal pa i sedu sakrifisiu, pa jinti pudi fia, pa e purdadu se pekadu pabia di si sangi.

—Romanus 3.24, 25a

Deus danu proba di si amor pa nos, manera ku Kristu muri pa nos ocanu inda na no pekadu. Suma no ocadu justu pa si sangi, kuma gora ki ka na salbanu di rai-ba di Deus?

—Romanus 5.8, 9

Suma no sibi kuma omi i ka fasi-du justu pabia i fasi kil ku lei fala, ma pa fe na Jesus Kristu, anos tambi no seta Jesus Kristu.

—Gálatas 2.16a

I pabia di si fabur ku bo sedu salbu, na bo fe. Es i ka bin di bos; i kusa ku Deus pati. I ka rusultadu di bo propi sforsu, pa ka ningin ten manera di njata. —Efésius 2.8, 9

Tudu profetas da tustumuñu del, kuma tudu kil ku setal, se pekadus ta purdadu pabia di si nomi.

—Aktus 10.43

Pabia di si sangi no libertadu, no pekadu purdadu. Ala ku no ta oja rikesa di fabur di Deus.

—Efésius 1.7

I ka ten nin utru algin ku pudi salba, pabia ne mundu li i ka ten nin utru nomi ku dadu jinti ku no pudi sedu salbu pa el.

—Aktus 4.12

... Deus manda anju Gabriel pa prasa di Galileia ku comadu Nasaré, pa un bajuda ku ten nomi di Maria, ku staba pa kasa ku un omi ku comadu José, di jorson di Davi. ... Anju falal: Maria, ka bu medi, pabia bu oja fabur dianti di Deus. Jubi, bu na paña bariga, bu na padi un fiju, bu na pul nomi di JESUS. I na sedu algin garandi, i na comadu fiju di ki Deus ku sta riba di tudu ... Si renansa ka na ten fin. Maria punta anju: Kuma ku es pudi sedu suma ku N ka kungsi omi inda? Anju ruspundi i falal: Spiritu Santu i na ria riba di bo; puder di ki Deus ku sta riba di tudu i na kubriu ku si sombra. E

ku manda ki mininu santu ku bu na padi i na comadu Fiju di Deus. ... Pabia i ka ten nada ku Deus ka pudi fasi. Maria fala: Alin li, ami i servu di Siñor. Pa i kontisi na mi suma ku bu fala. Anju bai, i disal.
—Lukas 1.26-38

Un anju di SIÑOR parsil na suñu, i falal: I na padi un fiju macu; bu na pul nomi di JESUS, pabia i na salba si pobu di se pekadu.
—Mateus 1.20a, 21

I ten son dus omi ku bin pa e mundu sin e sedu fiju di mame ku pape. Esis sedu Adon ku Kristu. Adon tisi pekadu pa mundu, ma Jesus tisi vitoria riba di pekadu.

Sempri i tenba naturesa di Deus, ma i ka kuda kuma i dibi di buska sedu igual a Deus a forsa. I pui si kabesa suma nada; i toma naturesa di servu; i bida suma omi. Oca i staba na forma di omi, i baša si kabesa; i yanda sempri na obdiensia te mortu, i mortu di krus.

—Filipensis 2.6-8

I oja Spiritu di Deus disi riba del suma pumba. Un vos di seu fala: Es i ña Fiju ku N kiri ciu. N ten garandi kontentamenti nel.

—Mateus 3.16b, 17

Ami ku ña Pape anos i un son. Kuma ku bo fala gora kuma ami ku ña Pape santifika, i manda pa

mundu, N lebisil, pabia N fala kuma ami i Fiju di Deus?

—Jon 10.30, 36

Jesus Kristu, Palabra iternu, i izisti-ba sempri. Pa un *milagri* Deus pul pa i nasi na bariga di Maria. Na ladu di kurpu i kunsidu suma Fiju di Omi; na ladu spiritual i kunsidu suma Fiju di Deus. Skrituras i usa palabra "Fiju" pa splika relason anti di Deus ku si Palabra—Jesus Kristu.

Oca Kristu na bin mundu, i fala: . . . Bu ranjan un kurpu.

—Ebreus 10.5

Na ladu di spiritu di santidadi, manera ki lanta di mortu, i mos-tradu ku puder kuma el i Fiju di Deus.

—Romanus 1.4

Tomé ruspundil: Ña Siñor! Ña Deus!
—Jon 20.28

I ka ten duvida kuma sigridu di no fe i fundu: (Deus) i parsi na kurpu di omi.
—I Timotiu 3.16a

Tudu ku Deus sedu sta na Kristu, na si kurpu umanu.
—Kolosensis 2.9

Un bajuda na bin preña, i na padi un fiju macu ku na comadu Emanuel, ku sedu: Deus sta ku nos.
—Mateus 1.23

Pabia un mininu nasi ja pa nos; no dadu un fiju. Tudu puder sta riba di si ombrus; si nomi i na sedu Maravilyosu, Konsilyeru, Deus forti, Pape di iternidadi, Rei di pas.
—Isaias 9.6

Jesus fala elis: Antis di Abraon padidu, ami N sedu.
—Jon 8.58

I nel ku vida staba; ki vida i eraba lus di omis. Ki palabra sedubalus di bardadi ku bin na mundu pa numia tudu jinti. I staba na mundu, Deus kumpu mundu pa meu del, ma mundu ka kunsil.

—Jon 1.4, 9-10

I ten un Deus son, ku un algin ku sta anti di Deus ku nos omis, ku sedu Kristu Jesus, omi, kil ku da si vida pa resgata tudu jinti.
—I Timotiu 2.5, 6a

I nel ku no libertadu (pa si sangi), no pekadu purdadu. El (Kristu) i parsensa di ki Deus ku ka ta ojadu.
—Kolosensis 1.14, 15a

26 BIBLIA (SKRITURAS) I SEDU PALABRA DI DEUS

Nin un profesia ka bin son di pensamentu di omi, ma Spiritu Santu ku leba omis pa fala palabras ku bin di Deus. —II Pedru 1.21

Desdi tempu antigu i konta pa boka di si santu profetas: Pa da si pobu kunsimentu di salbason ku purdon di se pekadu.

—Lukas 1.70, 77

Spiritu di SIÑOR usa ña boka pa papia; si palabra staba na ña lingu.

—II Samuel 23.2

E palabras ku sedu ña ordi pa bo aos e dibi di sta na bu korson.

—Deuteronomíu 6.6

Tudu Skritura, i Deus ku nspiraral; i ten purbitu pa nsina, pa ra-

prindi, pa kuriži, pa mostra manera di yanda diritu. —II Timotiu 3.16

Tudu ku skirbiduba purmeru na palabra di Deus i skirbidu pa sinanu, pa danu pasensa ku koražen, pa no pudi ten speransa.

—Romanus 15.4

Bo sta nganadu. Bo ka kungsi Skritura nin puder di Deus.

—Mateus 22.29b

Bu torna bu palabra ku bu nomi garandi riba di tudu kusa.

—Salmu 138.2b

SIÑOR distindi si mon, i tokan na boka, i falan: Ali N pui ña palabra na bu boka. —Jeremias 1.9

I bisti ropa ku pinga-pinga sangi. Nomi ki ta comadu i Palabra di Deus. —Apokalipsi 19.13

Antis di mundu kumpudu, kil ki palabra i tenba ja; i staba ku Deus: i seduba mesmu Deus. Kil ki palabra i bida omi, i mora na no metadi. —Jon 1.1, 14a

Jesus mostra kin ki Deus

Ate aos ningin ka oja Deus: si Fiju un son ku sta juntu ku si Pape i pui pa no kunsil. —Jon 1.18

Jesus fala elis: Si Deus seduba bo Pape, na bardadi bo ta aman, pabia ami N bin di Deus; N ka bin di mi propi, ma el ku mandan. —Jon 8.42

Deus ku fala pa lus lampra na sukuru, i mesmu Deus ku fasi si lus lampra na no korson, pa tisinu kunsimentu di gloria di Deus ku na lampra na rostu di Jesus Kristu. —II Korintius 4.6

Deus i ta usa Jesus pa papia

Na tempu ku pasa, Deus fala manga di biás, di manga di manera, ku no papes di antigu pa boka di profetas. Ne dias di kabantada i papia ku nos suma ki manda-nu si Fiju, kil ki pui pa i yarda tudu kusa, ki kumpu mundu tamba pa si mon. —Ebreus 1.1, 2

N ta papia di kusas ku N oja juntu di ña Pape. —Jon 8.38a

Biblia i alimentu pa alma

N ta sinti mas kontenti ku palabras di si boka di ki ña alimentu.

—Job 23.12b

I ka son kumida ku ta da omi vida, ma tambi i tudu palabra ku sai na boka di Deus. —Mateus 4.4b

Bu palabras e mela dimas na ña lingu; e mas ta mela di ki mel na ña boka. —Salmu 119.103

Jesus i pon di seu

Ami i ki pon bibu ku ria di seu; si algin kume des pon li, i ta vivi pa sempri. Pon ku N na da i ña karni ku N na da pa jinti di mundu pudi ten vida. Ami i pon ku ta da vida. —Jon 6.51, 48

Biblia i ta danu lus na no kamiñu

Bu palabra i kanderu pa ña pe; i lus pa ña kamiñu. —Salmu 119.105

Bu palabra splikadu i ta da lus; kilis ku ka sibi, i ta da elis ntindimentu. —Salmu 119.130

Asin no ten inda mas fianza na palabra ku profeta fala. I bon pa bo pui sintidu nel, pabia i suma lus ku na numia na kau sukuru.

—II Pedru 1.19a

Jesus i lus pa mundu

I nel ku vida staba; ki vida i eraba lus di omis. Jesus torna papia ku jinti, i fala: Ami i lus di mundu; kin ku ta sigin ka ta yanda na sukuru, ma i ta tene lus di vida. —Jon 1.4; 8.12

***Biblia ta danu vida
ku ten frutu***

Ma i ten si kontentamenti na lei di SIÑOR; i ta pensa nel di dia ku di noti. Asin i na sedu suma po parantadu lungu di lagua di yagu, ku ta da si fruta na tempu propi; si foja ka ta kai. Tudu kil ki fasi i na kuri diritu. —Salmu 1.2, 3

Jesus ta pui no vida da frutu 29

Bo sta na mi, ami N ta sta na bos. Suma ku ramu pa el propi ka ta pudi padi si i ka sta na si pe, asin tambi abos si bo ka sta na mi.

Ami i pe di uva, abos i ramu. Kin ku sta na mi, ami N sta nel, i ta padi frutu ciu, pabia sin mi bo ka pudi fasi nada. —Jon 15.4, 5

SKRITURAS TA KONTA DI JESUS KRISTU

Bo ta studa Skritura ku atenson, pabia bo pensa ku bo tene vida ku ka ta kaba nel, ma i el propi ku ta diklara di mi. . . . Si na bardadi bo fiaba na palabra di Moisés, bo ta fiaba tambi na mi, pabia i aserka di mi ku el i skirbiba. —Jon 5.39, 46

Dipus i kumsa na livru di Moisés, i pasa na tudu profeta, i splika elis kil ku Skritura fala del. —Lukas 24.27

Filipi toma palabra, i kumsa na ki kau ki lêi, i kontal Bon Noba di Jesus. —Aktus 8.35

30 PALABRA ITERNU DI DEUS NUNKA I KA TA MUDA

Bu palabra, SIÑOR, sta parantadu na seu pa sempri. Bu palabra sedu bardadi desdi kumsada; kada un di bon leis ku bu fasi i ta dura pa sempri. —Salmu 119.89, 160

Paja ta seka, flor ta kai, ma palabra di no Deus i ta fika pa sempri. —Isaiás 40.8

Seu ku tera na pasa, ma nin un asentú ka na bin tiradu riba di un letra di lei, sin i ka pudu tudu na pratika. —Mateus 5.18b

Skritura ka pudi kabadu ku el. —Jon 10.35a

Asin ku palabra ku sai na ña boka na sedu: i ka na riba pa mi sin nada, ma i na fasi kil ku N

misti; i na kumpri kil ku N mandal pa el. —Isaiás 55.11

Seu ku tera na pasa, ma ña palabra ka na pasa. —Mateus 24.35

Omi ka pudi modifika Biblia

Toma sintidu pa kumpri tudu kil ku N mandau. Bu ka na buri nada, nin bu ka na rapati nada.

—Deuteronomiu 12.32

Ka bu buri si palabras, pa i ka raprindiu, bu ocadu munturus.

—Provérbius 30.6

Si algin tira algun palabra ne libru di profesia, Deus na tira si parti di fruta na po ku ta da vida.

—Apokalipsi 22.19a

Kil ku njuti palabra i na sedu kastigadu. —Provérbius 13.13a

MORTU DI JESUS I KUMPRI PLANU DI DEUS 31

Ña Pape aman, pabia N sta pruntu pa da ña vida pa N torna tomal. Ningin ka ta tiran ña vida, ma ami propi ku ta dal. N ten puder pa N dal, ku puder pa N torna tomal. —Jon 10.17, 18a

Jesus falal: Ñu ka ta tenba nin un puder kontra mi si Deus ka da ñu el. —Jon 19.11a

O bo ka sibi kuma N pudi pidi ña Pape gosi, i ta mandan mas di sinkuenta mil anju? Ma de manera kuma ku Skritura pudi pudu na pratika ku fala kuma asin ki ten ku kontisi? —Mateus 26. 53, 54

Deus sibiba ja ke ku na sedu. Konformi si planu, bo ntregadu Jesus. Bo tomal, bo krusifikal, bo

matal pa mon di omis malvadu.

—Aktus 2.23

Ma i asin ku Deus fasi kil ki tarda fala na boka di tudu si profetas, kuma Kristu ten ku sufri.

—Aktus 3.18

I seduba vontadi di SIÑOR pa kebrantal, pa fasil sufri; si vida pudu suma oferta pa purdon di pekadu. —Isaiás 53.10a

Kil ku ka tuji nin propi si Fiju, ma i ntregal pabia di nos tudu, kuma tambi ki ka na bin patinu tudu kusas juntu ku el?

—Romanus 8.32

Nta Kristu ka dibi di sufri e kusas pa kumsa yentra na si gloria? —Lukas 24.26

32 KILIS KU MATI KONTA DI MORTU DI JESUS

E krusifika tambi dus bandidu juntu ku el, un na direita, utru na skerda. Asin i sedu suma ku Skritura fala: I kontadu juntu ku jinti ku fasi mal. —Markus 15.27, 28

Desdi meiu-dia tudu tera bida sukuru te tris ora. . . . Jesus torna grita utru biás, i para di da folgu. . . . Tera tirmi, pedras rebenta. . . . Kapitón ku utru soldadus ku na guardaba Jesus, oca e oja con tirmi, ku kusas ku kontisi, e sinti garandi medu, e fala: Na bardadi es era Fiju di Deus!

—Mateus 27.45, 50-51, 54

Soldadus bai, e kebra pernas di ki dus omi ku krusifikadu ku el. Oca e ciga nunde Jesus, e oja i mu-

ri ja; e ka kebral perna, ma un di ki soldadus fural na ladu ku kañaku; i sai logu sangi ku yagu. Kil ku ojal i konta kil ku kontisi; si tustumuñu i bardadi; i sibi kuma i bardadi ki na konta, pa bo pudi fia tambi. E kusa kontisi pa pudi kumpri Skritura ku fala: Nin un di si os ka na kebradu. Skritura fala n'utru kau: E na oja pa kil ke fidi ku kañaku. —Jon 19.32-37

Deus di no papes i lantanda Jesus, kil ku bo mata, bo pindural na madera. Anos no sedu tustumuña de kusas. —Aktus 5.30, 32a

Oca ke kaba fasi tudu ku staba skritu del, e tiral na madera, e pul na koba. —Aktus 13.29

Deus lantandal, i libertal di agunia di mortu, pabia mortu ka pudiba tenel presu. Es Jesus ku no na fala del, Deus lantandal di mortu. Anos tudu i tustumuñas de kusa. —Aktus 2.24, 32

Suma ku fijus ta junta karni ku sangi, asin tambi ku el i junta ne mesmu kusas, pa i pudi muri; pabia di si mortu i pudi vensi kil ku ten puder riba di mortu, ku sedu diabu; pa i pudi libra tudu kilis ku sedu katibu tudu se vida pabia di medu di mortu. —Ebreus 2.14, 15

Mortu, nunde ku bu vitoria sta? Mortu, nunde ku bu fidida sta? Ma Deus obrigadu manera ki ta

danu vitoria pa no Siñor Jesus Kristu. —I Korintius 15.55, 57

Ami i kil ku bibu; N muriba ma alin li bibu pa tudu sempri. N tene cabi di mortu ku di lugar di mortus. —Apokalipsi 1.18

Gosi i mostradu klaru suma ku no Salbadur Kristu Jesus bin bin mundu. El i kaba ku puder di mortu; na Bon Noba i mostranu vida ku ka na bin muri. —II Timotiu 1.10

No sibi kuma manera ku Kristu lanta di mortu, i ka na muri mas. Mortu ka na ten mas forsa riba del. —Romanus 6.9

Ma na bardadi Kristu lantandadu di mortu, suma purmeru di kilis ku muri. —I Korintius 15.20

Ali N sta na porta, N na bati. Si algin obi ña fala, i yabri porta, N ta yentra na si kasa, N ta sia ku el; el i ta sia ku mi tambi.

—Apokalipsi 3.20

Kil ku ka na tarbaja, ma i fia na kil ku ta fasi impiu justu, si fiansa i ta pui Deus pa i ojal justu.

—Romanus 4.5

Bo risibi Spiritu Santu. . . . Bo pidi, bo ta risibi, pa bo alegria puidi sta kompletu.

—Jon 20.22b; 16.24b

Kin ku gusta di si pape o mame mas di ki mi, i ka mersi sedu di mi . . . Jesus fala si disipulus: Si algin misti bin ku mi, i ten ku nega si

kabesa, i toma si krus, i kargal, i sigin. Kin ku misti salba si vida, i ta pirdil, ma kin ku pirdi si vida pabia di mi, i ta ocal.

—Mateus 10.37a; 16.24, 25

Si ku bu boka bu diklara kuma Jesus i Siñor, na bu korson bu fia kuma Deus lantandal na metadi di mortus, bu ta sedu salbu.

—Romanus 10.9

Si bo pertensi Kristu, bo sedu jorson di Abraon; bo na risibi kil ku Deus purmiti.

—Gálatas 3.29

Kin ku setal ka ta kondenadu, ma kin ku ka setal i sta ja kondenadu, pabia i ka seta úniku Fiju di Deus.

—Jon 3.18

Es i ki tustumuñu, kuma Deus danu vida ku ka ta kaba; e vida sta na si Fiju. Kin ku tene Fiju i tene vida. Kin ku ka tene Fiju di Deus i ka tene vida. —I Jon 5.11, 12

Ma Deus ku ta ten pena dimás di jinti, . . . i vivifikanuuntu ku Kristu, oca no spiritu staba inda mortu pabia di no pekadu. I pabia di si fabur ku bo sedu salbu.

—Efésius 2.4, 5

Si algin liga ku Kristu i sedu nobu algin. Kusas beju pasa ja. Tudubida nobu. —II Korintius 5.17

N sta ja krusifikadu ku Kristu. N na vivi, ma i ka mi ku na vivi, ma Kristu na vivi na mi. Vida ku gosi N na vivi na kurpu, N na vivil

na fe ku N ten na Fiju di Deus.

—Gálatas 2.20a

Puder di Spiritu ku ta tisi vidauntu ku Kristu Jesus libran di puderdipekaduku di mortu.

—Romanus 8.2

Pabia di palabra di Deus ku tene vida, ku ta fika pa sempri, ku pui bo padidu utru biás; i ka di pape ku ta muri, ma di pape ku ka ta muri. Bo sedu suma mininu kumsa padidu, ku ta faima pa liti. Bo faima pa liti spiritual, puru, pa bo bibil, bo kirsi na vida spiritual.

—I Pedru 1.23; 2.2

Kin ku obi ña palabra, i seta kil ku mandan, ta ten vida ku ka ta kaba.

—Jon 5.24a

Deus na si lugar puru i pape di orfas, i kil ku ta fasi diritu pa viivas. —Salmu 68.5

SIÑOR, abo i no pape; anos i lama; abo i kil ku ta kumpunu. Anos tudu no sedu tarbaju di bu mon. Abo, SIÑOR, i no pape; disna di tempu antigu bu nomi i sedu no Libertadur. —Isaiás 64.8; 63.16b

Na kau ke faladuba kuma: Bo ka sedu ña pobu, la ke na kontadu kuma: Bo sedu fijus di Deus bibu. —Oseias 1.10b

Si abos ki mau, bo sibi da bo fijus bon kusas, ku fadi bo Pape ku sta na seu ta da bens pa kilis ku pidil! . . . E ku manda bo dibi di

ora asin: No Pape ku sta na seu, no disja pa bu nomi sedu onradu. —Mateus 7.11; 6.9

Ami N ta risibi bos, N ta sedu bo pape; bo ta sedu ña fijus macu ku femia. Asin ku Siñor ku ten tudu puder fala. —II Koríntius 6.17b, 18

Tudu kilis ku Spiritu di Deus na gia, esis i fiju di Deus. —Romanus 8.14

I na coman, i fala: Abo i ña pape, ña Deus, roca di ña salbason. —Salmu 89.26

Bu ka sta pruntu, disna di gosi, pa coman, bu fala: Ña Pape, abo i gia di ña nobresa? —Jeremias 3.4

NO KUNSI DEUS SUMA PAPE PABIA DI JESUS 37

Jesus falal: Ami i kamiñu, ami i bardadi, ami i vida. Si algin misti bin pa ña Pape, i ten ku pasa purmeru na mi. Si bo kunsinba, bo ta kungsi ña Pape; desdi gosi bo kunsil; bo ojal ja. Si algin aman, i ta obdisi ña palabra; ña Pape ta amal; no ta bin pa el, no mora ku el.

—Jon 14.6, 7, 23b

. . . Deus manda si Fiju . . . pa no pudi bin sedu fiju di Deus. Suma ku bo sedu si fijus, Deus manda Spiritu di si Fiju dentru di no korson, ku ta coma: Deus no Pape. Asin bu ka sedu mas katibu, ma bu sedu fiju. Si abo i fiju, Deus na dau tudu ki ten pa si fijus. Pabia

di fe na Kristu Jesus, abos tudu bo sedu fiju di Deus.

—Gálatas 4.4-7; 3.26

Tudu jintis ku setal, kilis ku fia na si nomi, i da elis diritu di sedu fiju di Deus.

—Jon 1.12

Si algin fasi un pekadu, no ten un algin justu, ku sedu Jesus Kristu, ku ta difindi pa nos dianti di no Pape.

—I Jon 2.1b

I pabia di Kristu ku anos dus pobu no pudi yentra na pursensa di Pape pa un mesmu Spiritu.

—Efésius 2.18

I distinanu pa no sedu si fijus pa meu di Jesus Kristu. Es i era si vontadi, i si alegria. —Efésius 1.5

38 JESUS TA TISINU AMOR, KONTENTAMENTI KU PAS

Kil ku ka tene amor i ka kungsi Deus, pabia Deus i amor. Deus i amor. Kil ku sta na amor i sta na Deus; Deus sta nel.

—I Jon 4.8, 16b

Bo sedu bon, bo sinti pena di ijutru, bo purda ijutru, suma tambu ku Deus purda bos na Kristu.

—Efésius 4.32

Si bo ama ijutru, tudu jinti ta rapara kuma abos i ña disipulus.

—Jon 13.35

Bu na pun pa N kungsi kamiñu di vida. Na bu pursensa bu na incin di alegria; na bu ladu direita i ten kusas sabi ku na tarda pa sempri.

—Salmu 16.11

Ma N na sta alegri na SIÑOR, N na kontenti ku Deus di ña salbason.

—Abakuk 3.18

Manera ku no ocadu justu pa fe, no ten pas ku Deus pabia di no Siñor Jesus Kristu.

—Romanus 5.1

N na disa bos ku pas; N na da bos ña pas. N ka na da bos el suma ku mundu ta da. Bo diskansa bo korson tarpajadu; ka bo medi.

—Jon 14.27

Spiritu di Deus ta padi frutu di amor, ku alegria ku pas . . .

—Gálatas 5.22a

JESUS NA LANTANDA SI PROPI POBU DI MORTU 39

Si Spiritu di kil ku lantanda Jesus di mortu sta na bos, ki algin ku lantanda Kristu di mortu tambi i na pui vida na bo kurpu mortal pabia di si Spiritu ku sta na bos.
—Romanus 8.11

Deus ku lantanda Siñor di mortu tambi i na lantandanu pa si puder.
—I Korintius 6.14

Vontadi di kil ku mandan i es: pa tudu kil ku ojan, i setan, ami Fiju di Deus, pa i ten vida ku ka ta kaba; na ultimu dia N ta lantandal di mortu.
—Jon 6.40

Jesus falal: Ami i resureison, ami i vida. Kin ku setan, inda ki muri, i ta sta bibu. Tudu kil ku na

vivi, i setan, nunka mas i ka ta muri.
—Jon 11.25, 26a

Di mesmu manera ku un omi tisi mortu pa mundu, asin tambi un omi tisi resureison di mortu. Suma ku tudu jinti muri pabia e liga ku Adon, asin tambi tudu na ten vida pabia e liga ku Kristu. Ma kada kin na lantandadu na si ordi: Kristu purmeru, dipus, ora ki bin, kilis ki di siu.

—I Korintius 15.21-23

Suma ami N sta bibu, abos tambi bo na bibu.
—Jon 14.19b

No sibi kuma kil ku lantanda Siñor Jesus pa vida, i na lantandanu ku el; i na lebanu dianti del juntu ku bos.
—II Korintius 4.14

40 KA BU DISKUDA PA E GARANDI SALBASON

Si algin kebra lei di Moisés, i ta matadu sin sinti pena del, si dus o tris jinti testifika kuma el i kulpadu. Nta ke ku bo oja di algin ku masa Fiju di Deus, ku ten sangi di kontratu ki santifikadu ku el suma kusa lebi, ku papia mal kontra Spiritu di grasa? Bo kuda kuma ki na mersi kastigu mas pior inda! —Ebreus 10.28, 29

Kin ku negan, i ka risibi ña palabra, i ten ja kin ku na julgal; palabra ku N prega, es ku na julgal na ultimu dia. —Jon 12.48

E ku manda N fala bos kuma bo na muri na bo pekadu, pabia si bo ka fia kuma N sedu kil ku N sedu, bo ta muri na bo pekadu. —Jon 8.24

Ña amigus, N fala bos: Ka bo ten medu di kilis ku ta mata kurpu, dipus e ka pudi fasi mas nada. Ma N na mostra bos kin ku bo dibi di medi. Bo medi kil ku, dipus di mata, i ten puder pa bota na nfernu. Sin, N na fala bos, el ku bo dibi di medi. —Lukas 12.4, 5

Kilis ku nega obi vos ku na fala ku elis na tera e ka kapli kastigu. Ku fadi anos, si no da kosta pa kil ku na fala ku nos la na seu. —Ebreus 12.25b

Kin ku seta Fiju ta ten vida ku ka ta kaba, ma kin ku ka seta Fiju ka ta oja vida, ma kastigu di Deus ta fika riba del. —Jon 3.36

I marka un dia ki na bin julga mundu ku justisa, pa meiu di un omi ki distina pa fasil. I da tudu jinti sertesa di kuma i na sedu, oca i lantanda ki algin na metadi di mortus. —Aktus 17.31

Ña Pape ka ta julga ningin, ma i da si Fiju tudu puder pa julga, pa tudu jinti pudi onra Fiju suma ke onra si Pape. —Jon 5.22, 23a

Anos tudu no ten ku parsi dianti di tribunal di Kristu, pa kada un risibi konformi i fasi na kurpu, ben o mal. —II Korintius 5.10

Es tudu na sedu ora ku Siñor Jesus parsi na seu ku si anjus puderu, ku fugu ku na yardi, pa kastiga kilis ku nega kungsi Deus,

ku kilis ku ka obdisi Bon Noba di no Siñor Jesus.

—II Tesalonisensis 1.7b, 8

Asin ki na sedu na dia ku Deus ku Jesus Kristu ten ku julga sigridu di jinti. —Romanus 2.16a

Kil ña inimigus tambi ku ka mistiba pa N sedu se rei, bo tisi elis li, bo mata elis ña dianti.

—Lukas 19.27

Dianti di Deus, ku Kristu Jesus ku ten di julga bibus ku mortus, pabia i ten ku bin pa rena

—II Timótiu 4.1

I mandanu pa konta pobu aserka del, kuma i el ku Deus pui pa i sedu juís di bibus ku mortus.

—Aktus 10.42

42 I KA TUDU KU FALA KUMA E NA SIGI JESUS KU SEDU DI JESUS

E fala kuma e kungsi Deus, ma e ta negal ku kusas ke ta fasi.

—Titu 1.16a

Kin ku ka ten Spiritu di Kristu, si dunu i ka del. —Romanus 8.9b

E ta sinta bu dianti suma ña pobu; e ta obi bu palabra ma e ka ta pul na pratika. E ta ngaban ku se boka ma na se korson e na buska kusas son pa se kabesa.

—Ezekiel 33.31b

E pobu e ta ngaban son ku boka, ma se korson sta lunju di mi. —Mateus 15.8

I ka tudu jintis ku na falan: Siñor, Siñor, ku na yentra na renu di seu, ma i kil ku fasi vontadi di

ña Pape ku sta na seu. Manga delis na puntan na ki dia: Siñor, Siñor, no ka profetisa na bo nomi? No ka serka dimonius na bu nomi? No ka fasi manga di milagri na bu nomi? Na ki tempu N na fala elis klaru: Nunka N ka kungsi bos. Bo lunjisi di mi, abos ku ta fasi mal.

—Mateus 7.21-23

Bo toma sintidu ku kilis ku ta bai kontra nsinu ku bo prindi, ku ta tisi divison na bo metadi, e ta pui utrus pa e kai na fe. Bo lunjisi delis, pabia kilis ku ta fasi asin e ka na sirbi Kristu no Siñor, ma e na sirbi se propi vontadi.

—Romanus 16.17b, 18a

KILIS KU NA SIGI JESUS NA BARDADI E TA OBDISIL

43

Si no obdisi mandamentus di
Deus no ta sibi kuma no kunsil.

—I Jon 2.3

N na pui ña spiritu dentru di
bos; N na fasi pa bo yanda konfor-
mi ña regras, bo toma sintidu pa
guarda ña mandamentus, bo kum-
pri elis.

—Ezekiel 36.27

Oca i fasidu pirfitu, i bin sedu
fonti di salbason ku ka ta kaba pa
tudu kilis ku obdisil.

—Ebreus 5.9

Bo libradu di pekadu; bo fasidu
katibu pa fasi ben.

—Romanus 6.18

Si Kristu mora na bos, nin ku
kurpu sta mortu pabia di pekadu,
ma Spiritu i ta da bos vida, mane-

ra ku bo ocadu justu dianti di
Deus. Si bo yanda suma ku bo
kurpu misti, bo na muri, ma si na
puder di Spiritu bo mata kustu-
mus di bo kurpu, bo ta vivi.

—Romanus 8.10, 13

I Deus ku fasinu kil ku no sedu;
i krianu na union ku Kristu Jesus
pa vida di bon tarbaju ki purpara
pa no fasi.

—Efésius 2.10

Kil ku ta coma nomi di Siñor
dibi di lunjisi di fasi mal.

—II Timotiu 2.19b

E mundu na pasa, ku tudu si di-
sežus mau, ma kil ku na fasi
vontadi di Deus i na fika pa sem-
pri.

—I Jon 2.17

JINTI DI MUNDU KA GOSTA DI KILIS KU SIGI JESUS

Si jinti di mundu na nfastia bos, ka bo diskisi kuma purmeru antis di bos e nfastian ami tambi. Si bo seduba di mundu, mundu ta ama kil ki di sil, ma suma abos i ka di mundu, ma ami N kuji bos na mundu, e ku manda jinti di mundu ta nfastia bos. —Jon 15.18, 19

I na ciga un dia ku kalker ku mata bos na kuda kuma i fasi tarbaju pa Deus. E na fasi bos e kusas pabia e ka kungsi ña Pape nin ami. —Jon 16.2b, 3

Bo oja garandi amor ku no Pape mostranu, pa no comadu fiju di Deus. Asin ku no sedu na bardadi.

E ku manda jintis di mundu ka kunsinu, pabia e ka kunsil.

—I Jon 3.1

Pa no yentra na renu di Deus i pirsis pasa manga di sufrimentu.

—Aktus 14.22b

Na bardadi tudu kil ku misti vivi un vida santu na Kristu Jesus i ten ku sufri pirsigison.

—II Timotiu 3.12

Na mundu bo na ten foronta, ma bo ten koražen; ami N ngaña mundu.

—Jon 16.33b

N da elis bu palabra; jinti di mundu nfastia elis pabia elis e ka di mundu, suma ku ami N ka di mundu.

—Jon 17.14

Bo pui tudu bo kudadi riba del, pabia i ta toma konta di bos.

—I Pedru 5.7

Ka bu medi, pabia N sta ku bo, nin ka bu panta, pabia N sedu bu Deus. N na fasiu forti, N na judau, N na sustentau ku ña mon direita ku ta fasi justisa. —Isaiás 41.10

Ora ku ña pape ku ña mame e bandonan, SIÑOR i na rikujin.

—Salmu 27.10

E ku manda no pudi fala ku fianza: Siñor i kin ku ta judan; N ka na medi. Ke ku algin pudi fasin? —Ebreus 13.6

Si pabia di nomi di Kristu bo sedu kobadu, abos i sortiadu, pa-

bia Spiritu di gloria, ku sedu Spiritu di Deus, sta riba di bos.

—I Pedru 4.14a

I na da si anjus ordi aserka di bo, pa e guardau na tudu bu kamiñu. Nin ku N yanda na vali di sombra di mortu, N ka na medi nada, pabia bu sta ku mi; bu vara ku bu po di pastor e ta dan koražen. —Salmu 91.11; 23.4

N ten forsa pa tudu kusa pabia di Kristu ku ta dan puder. Pabia di Kristu Jesus, ña Deus i ta da bos tudu ku bo pirsisa, konformi si rikesa gloriosu.

—Filipensis 4.13, 19

Tudu koldadi di tentason ku bin pa bos i suma di tudu jinti. Ma Deus i fiel; i ka na disa bo sedu tentadu mas di kil ku bo pudi ku el, ma na ora di tentason i ta da tambi manera di kapli, pa bo pudi saportal. —I Korintius 10.13

Asin no ciga ku fiansa dianti di tronu di Deus nunde ku no na oja fabur, pa no yangasa misericordia ku fabur, ku ajuda na ora ku no pirsisa del. —Ebreus 4.16

Si no yanda na lus, suma ku el sta na lus, no ta liga un ku utru; sangi di Jesus, si Fiju, i ta ba ta limpanu di tudu pekadu. —I Jon 1.7

Libra di disezu forti di nobresa, bu buska yanda diritu, ku fe, ku

amor, ku pas,untu ku kilis ku ta coma nomi di Siñor ku korson puru. —II Timotiu 2.22

Bo fasi di konta kuma bo sta mortu pa pekadu, ma bo sta bibu pa Deusuntu ku Kristu Jesus.

—Romanus 6.11

Bo baña pa Deus; bo firma kontra diabu, i ta kuri di bos.

—Tiagu 4.7

N sukundi bu palabra na ña korson pa N ka peka kontra bo.

—Salmu 119.11

Ña fijos, abos bo sedu di Deus; bo vensi ki profetas; pabia kin ku sta na bos i mas ki algin ku sta na jinti di mundu. —I Jon 4.4

KUMUÑON KU DEUS I SEDU ORASON DI BARDADI

47

Oca bu fala: Bo buska ña rostu, ña korson falau kuma: SIÑOR, N na buska bu rostu. . . . SIÑOR i kudin kontra N buskal; i libran di tudu ña medu. . . . Pobu, bo konfia nel na tudu tempu, bo darma bo korson si dianti. Deus i no lugar suguru. —Salmu 27.8; 34.4; 62.8

Kuran, SIÑOR, N na sedu kura-du. Salban, N ta sedu salbu, pabia abo ku N na ngaba.

—Jeremias 17.14

Bo ora sempri. Bo fala obrigadu na tudu kusa, pabia asin ku Deus misti pa bo fasi na bo vida na Kristu Jesus.

—I Tesalonisensis 5.17, 18

Si algun di bos ka sibi ke ki dibi di fasi, pa i pidi Deus jiresa; i ta dadu. Deus ta da tudu jinti ku vontadi; i ka ta nfastia. —Tiagu 1.5

Si bo sta na mi, ña palabra sta na bos, bo ta pidi tudu ke ku bo misti; i ta fasidu pa bos. —Jon 15.7

Si N da lugar pa pekadu na ña korson, SIÑOR ka na kudin. Pa amor di bu nomi, SIÑOR, purda ña pekadu, pabia i garandi.

—Salmu 66.18; 25.11

Ka bo fadiga ku nada, ma na tudu bo orason bo pidi Deus pa kil ku bo pirsisa del; bo pidil ku korson di gardisimentu.

—Filipensis 4.6

Na ki dia i na ten gritu di ordi, ku vos di arkanju, ku toku di kor-neta di Deus. Siñor propi i na disi di seu. Kilis ku muri ku fe na Kristu e na lanta purmeru. Dipus, anos ku sta inda bibu, no na raba-tadu juntú ku elis na nuven, pa kontra ku Siñor na ar. Asin no ta sta juntú ku Siñor pa sempri.

—I Tesalonisensis 4.16, 17

Ermons ku N kiri, suma ku no ten e purmesas, no limpa di tudu susidadi di kurpu ku di spiritu, pa no kompleta no santidadi ku rispi-tu pa Deus. —II Koríntius 7.1

Ña fijus, bo pega nel, pa ora ki bin, no pudi tene fiansa; no ka na

fika ku borgoña si dianti dia ki bin. —I Jon 2.28

Bo sedu tambí pasenseru, bo te-santa bo korson, pabia Siñor per-tu bin. Ka bo keña kontra ijutru, ermons, pa ka bo bin julgadu. Bo oja Juís na porta ja. —Tiagu 5.8, 9

Asin bo sta tambí pruntu, pabia Fiju di omi na bin na ora ku bo ka spera. —Lukas 12.40

Ña kiridu ermons, gosi no sedu fijus di Deus, ma ke ku no na bin sedu i ka klaru inda. Ma no sibi, ora ku Kristu bin, no na sedu su-ma el, pabia no na ojal manera ki sedu. Tudú ku tene e speransa nel, i dibi di limpa si vida, suma ku el i limpu. —I Jon 3.2, 3

BO INCI KU SPIRITU DI DEUS

Bo obin ora ku N na raprindi bos; N ta darma ña spiritu ciu riba di bos, N na fasi bos sibi ña palabras. —Provérbius 1.23

. . . Bo ripindi, kada un di bos, bo sedu batisadu na nomi di Jesus Kristu, pa bo pekadu pudi purdadu. Asin bo ta risibi Spiritu Santu ku Deus na pati bos. —Aktus 2.38b

Ka bo cami ku biñu ku ta dana vida, ma bo inci ku Spiritu. Bo fala ku ñutru ku salmu, ku inu, ku kantiga spiritual; bo kanta, bo fasi musika pa Siñor na bo

korson. Bo fala Deus no Pape sempri obrigadu pa tudu, na nomi di no Siñor Jesus Kristu. Bo sužitu ñutru suma ku bo ris-pita Kristu. —Efésius 5.18-21

I Deus ku ta tarbaja na bos pa da bos disežu ku puder pa kum-pri si bon vontadi.

—Filipensis 2.13

Nta bo ka sibi kuma abos i santuariu di Deus, kuma Spiritu di Deus mora na bos? Pabia bo kumpradu ku bon pres. Bo tene bo kurpu pa gloria di Deus.

—I Koríntius 3.16; 6.20

If you are interested in receiving additional studies of God's Word, write to the publisher:

W.M. Press, Inc.
P.O. Box 120
New Paris, IN 46553-0120 USA

E libru i di grasa; i ka pudi bindidu

www.wmpress.org

2-16

1530 Portuguese Creole HKG